

სახელმწიფო შესყიდვის შესახებ ხელშეკრულება №104
(გამარტივებული შესყიდვა)

ქ. მცხეთა

28 აპრილი 2014 წ.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტის“ თავმჯდომარის - ირაკლი ღვალაძის მიერ 2013 წლის 3 იანვრის №04 ბრძანებით მინიჭებული უფლებამოსილების საფუძველზე) და მეორეს მხრივ, ფიზიკური პირი ვანო ფიცხელაური (შემდგომში „მიმწოდებელი“), გამარტივებული შესყიდვის საფუძველზე საქართველოს კანონის 10¹ მუხლის მე-3 პუნქტის „ა“ ქვეპუნქტის შესაბამისად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება საქველმოქმედო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს ახორციელებს ნაწარმოებზე (ფოტოებზე) საავტორო უფლებების გადაცემას.

2. ხელშეკრულების საგანი

ხელშეკრულების საგანს წარმოადგენს, მიმწოდებლის მიერ შემსყიდველისთვის, მიმწოდებლის მიერ შექმნილ ნაწარმოებებზე (ფოტოებზე რომლებიც შეიქმნა შემსყიდველის პერიოდულ ჟურნალში „აი პი საქართველო“ მე-7 ნომერში გამოსაქვეყნებლად) საავტორო უფლებების გადაცემა (CPV-99999999).

3. ხელშეკრულების ჯამური ღირებულება

- 3.1. ხელშეკრულების საერთო ჯამური ღირებულება შეადგენს: **387,5 (სამას ოთხმოცდაშვიდი ლარი და ორმოცდაათი თეთრი) ლარს.**
- 3.2. საშემოსავლო გადასახადს აკავებს შემსყიდველი.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. ანგარიშსწორების განსახორციელებლად მიმწოდებელმა უნდა წარმოადგინოს მხარეთა მიერ ხელმოწერილი მიღება-ჩაბარების აქტი.
- 4.3. ანგარიშსწორება განხორციელდება მიღება-ჩაბარების აქტის წარდგენიდან 10 (ათი) დღის განმავლობაში, მიმწოდებლის მიერ წინამდებარე ხელშეკრულებაში მითითებული რეკვიზიტების მიხედვით.

5. მიღება-ჩაბარების წესი

- 5.1. მიწოდება ჩაითვლება შესრულებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს: ელენე ქემაშვილი („საქპატენტის“ იურიდიული და საავტორო სამართლის დეპარტამენტის უფროსი).

6. მხარეთა უფლება-მოვალეობანი

- 6.1. შემსყიდველი უფლებამოსილია:
 - ა) განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- 6.2. შემსყიდველი ვალდებულია:
 - ა) უზრუნველყოს წინამდებარე ხელშეკრულების ღირებულების ანაზღაურება ხელშეკრულებით გათვალისწინებულ ვადებში.

6.3. მიმწოდებელი უფლებამოსილია:

ა) მოსთხოვოს შემსყიდველს ხელშეკრულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია: წინამდებარე ხელშეკრულების თანახმად გადასცეს შემსყიდველს ხელშეკრულების მე-2 მუხლში გათვალისწინებულ ფოტოებზე საავტორო უფლებები ხელშეკრულების გაფორმებისთანავე.

7. ხელშეკრულებით ნაკისრი ვალდებულებების შესრულების ინსპექტირება

7.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია ხელშეკრულებით ნაკისრი ვალდებულებების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. პირგასამტეხლო ხელშეკრულების პირობების შეუსრულებლობისათვის

8.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე ხელშეკრულების ღირებულების 1%-ის ოდენობით.

8.3. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულებით განსაზღვრული თანხის 5%-ის ოდენობით, რომლის გადახდაც მოხდება შემსყიდველის მიერ დასაბუთებული წერილობითი მოთხოვნისთანავე.

8.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მეორე მხარეს.

9.4. ხელშეკრულება ასევე შეიძლება შეწყდეს ნებისმიერ დროს მხარეთა ინიციატივით, ურთიერთშეთანხმების საფუძველზე.

10. ფორს-მაჟორი

10.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებთან და დაუდევრობასთან და რომელსაც გააჩნია წინასწარ გაუთვალისწინებელი ხასიათი.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე პირს.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება შედგენილია ქართულ ენაზე სამ თანაბარმნიშვნელოვან ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).

13.2. ხელშეკრულება ძალაში შედის ხელშეკრულების გაფორმების დღიდან და მოქმედებს 2014 წლის 5 ივნისამდე.

14. მხარეთა რეკვიზიტები და ხელმოწერები

შემსყიდველი

სსიპ საქართველოს ინტელექტუალური საკუთრების ეროვნული ცენტრი „საქპატენტი“

მისამართი: საქართველო, ქ. მცხეთა

ანტიოქიის ქ. №5,

საიდენტიფიკაციო კოდი: 203831363

საბანკო რეკვიზიტები:

ს/ს „საქართველოს ბანკი“ ც/ფ,

ბანკის კოდი: BAGAGE22

ანგ. №GE57BG0000000892218200

საფინანსო დეპარტამენტის უფროსი
ვლადიმერ სიხარულიძე



მიმწოდებელი

მისამართი: ქ. თბილისი, გამრეკელის ქ. №17;
დაბადების თარიღი 23.01.1971, მოქმედების ვადა
21.01.2025, დაბადების ადგილი ორჯონიკიძე,
გაცემის თარიღი 21.01.2005, გამცემი ორგანო - ვაკის
საპაპორტო და მოსახლეობის რეგისტრაციის
სამსახური.

პირადი ნომერი: 01023005118

საბანკო რეკვიზიტები:

პროკრედიტ ბანკი

MIBGGE22

ანგ. №GE94PC0133600100037822

ვანო ფიცხელაური

მიღება-ჩაბარების აქტი №104

2014 წლის 28 აპრილის „სახელმწიფო შესყიდვის შესახებ ხელშეკრულებით №104“ გათვალისწინებული
ვალდებულებების შესრულების შესახებ

ქ. მცხეთა

28 აპრილი 2014 წ.

საქართველოს ინტელექტუალური საკუთრების ეროვნული ცენტრს „საქპატენტს“ 2014 წლის 28 აპრილის „სახელმწიფო შესყიდვის შესახებ ხელშეკრულების“ მე-6 მუხლის 6.4. პუნქტის შესაბამისად ფიზიკურმა პირმა ვანო ფიცხელაური გადასცა საავტორო უფლებები მის მიერ შექმნილ ნაწარმოებებზე (ფოტოებზე რომლებიც შეიქმნა შემსყიდველის პერიოდულ ჟურნალში „აი პი საქართველო“ მე-7 ნომერში გამოსაქვეყნებლად) რისი ღირებულებაც შეადგენს 387,5 (სამას ოთხმოცდაშვიდი ლარი და ორმოცდაათი თეთრი) ლარს. აღნიშნული თანხიდან სამემოსავლო გადასახადს აკავებს საქპატენტი.

წინამდებარე მიღება-ჩაბარების აქტი 2014 წლის 28 აპრილის „სახელმწიფო შესყიდვის შესახებ ხელშეკრულების“ მე-4 მუხლის პირველი პუნქტის შესაბამისად წარმოადგენს უნაღდო ანგარიშსწორების საფუძველს.

„შემსყიდველი“
„საქპატენტი“
იურიდიული და საავტორო
სამართლის დეპარტამენტის უფროსი



ელენე ქემაშვილი

მიმწოდებელი
ფიზ. პირი



ვანო ფიცხელაური